

大同府志

太

圃

府

志

大同府志叙

壬寅冬月予輶車自寧
武北至大同次日展謁
文廟登講堂翬如翼如典
禮膳飭僉曰今太守文公
莅政之日即率所屬整

序

葺而鼎新之予心儀其賢
退而取雲中郡志以觀慮
其漫漶不備以餘之暇詢
諸文公則曰此守土之責也
謀之久矣蓋志葺於順治
九年百數十載槩未編纂



經前太守吳重脩自較舊志為詳備而其中尚多失檢因請覈訂重鑄大加釐定以成一書鏤諸版矣敢以序請因函其新志以進予披覽至再益歎文公之賢

序

且明知為政之要而能率先斯民也夫史家以志地理為難志邊郡之輿圖為尤難雲中古稱險塞其地雄博浩渺靡乎無垠

國
家累洽重熙

德化

周漢中外，禮福兆庶，盈寧
向之，列於屯衛者，今皆設為
城邑，其間建革，沿置之宜
營屯防，練之要地，賦物產
與夫畸人，碩士嘉言，懿行
臚列，燦陳，瞭如指掌，覽是

序

三

書者，勤求民莫，相率訓俗
型方，以臻

聖朝道一風同之治，胥於是乎

在于校勘，月餘見其士樸
邀而無華，質直而好義，嘗
與講論，今古敦勸，以善冀

他日得一二文通武達之士
宣力分猷以仰副

聖天子壽考作人之雅化斯採
夙者之任抑亦守土者之榮
也爰不辭而為之序
乾隆四十有七年嘉平一上浣

序

四

文淵閣校理翰林院編修
提督山西全省學政加四
級武進劉種之撰



重纂大同府志原稟

大同府文 稟請重纂大同府志由乾隆四十六年
七月三十日蒙

布政司劄付本年七月十六日蒙

巡撫部院雅 批據該府稟辦志書一案蒙批查各
屬志乘凡有語句違碍之處均應刪削久經飭令通
查何以各府州縣尚不趕辦怠玩已極該守涖任未
久卽能詳悉考校足見實心公事殊堪嘉予仰布政
司飭令如稟妥辦一面通飭各屬速行上緊繕核並
除淨盡呈送查核如再愆延定予嚴參不貸此稟仍

大同府志

卷之

原稟

繳敬稟者竊查志乘一書攸關考核且係在官載籍
如有觸礙字面自應芟除淨盡以昭遵守卑府自履
任以來查閱雲中郡誌纂自順治九年其中敘述人
物戰功相沿明季陋習類多違碍字句卽前任吳守
丁乾隆三十八年條議各欵案內稟明編輯大同府
誌現已刊訂成書雖較舊志均係覈實而觸礙字面
及空格未填之處尙多失檢卑府復調取所屬各邑
志書通行校閱除大同縣向無志乘外其餘各州縣
志內雖自四十四年欽遵

諭旨查辦以後業將違碍詩文書目概行芟削而錯謬字面

暨空格未填之處亦所不免卑府現將雲中郡志及板片查明銷燬一面自捐經費將前任吳守所纂大同府志內觸礙字面及空格未填之處悉心校覈更正查填並通飭所屬一體遵照辦理統俟辦竣呈送查核以昭慎重再卑府更有請者查各屬志書業于四十四年奉札通查辦理今卑府一府志書既多未協則各府州縣志乘未能芟削淨盡已可概見可否仰懇俯賜通飭各府州縣一律校閱芟除以歸詳慎之處管窺所及理合通稟伏候察核批示

序

古王者將命儒臣纂修一
代之史必編徵各省會郡
邑圖籍以周知天下道里
遠近山川險要阨塞之要
凡風土民俗剛柔燥濕奢

序

一

儉勤惰之不齊罔不具詳
則郡縣志為天下裨軍所
必須可知也漢太史司馬子
長自言嘗西出空峒北過
涿鹿東漸於海南浮以淮
而史記之書本紀世家列傳

書表一百三十篇之外地志闕
如至按風班氏漢書如作地
里志之成帝時剡向略言
其地分丞相張禹使屬類
川朱贛條其風俗猶未定
完故辨而論之終其本末

序

二

著於篇自後歷代相承各
有輿地圖志唐李延壽南
史之史保闕未備且馬溫公
孫以不作志書為憾謂使
每代制度因革皆及不見
則志之與史相表裏其不

可不從且敷也審案
宏於乾隆
三十四年奉

恩命作牧遼陽其地踞
六行之巔

黃澤一閘歸然兵陽門戶

時以訪之故老將編考往

蹟勒成編乃未及乃而卒

序
三

特恩權守雲
郡下車之始念此

為邊疆重地建置沿革今

昔不同之府署所貯之書係

國初順治九年壬辰
則知百事

胡公文祖所纂閱百
二十餘年

所載屬邑有州曰朔曰尉有

縣曰馬邑廣昌而陽高天鎮
五鎮廳之屬不預焉其他
應去而存應存而去者不知
凡幾宏旨面請

大憲懇飭重修會

大中丞三公奉調浙省猝來

序

四

有間客歲冬杪復請諸公

大中丞巴公幸蒙予可乃

因方伯朱公延婁江明經

碩南王君開局郡城經始於

今春次第批纂閱十有二月

而歲事凡才域賦稅人物秩

官藝文武備之類舊志所
未及者續之闕畧者補之
舊有而入新平及直隸之
宣化府易州者祇而去之名
目與體例不合者竟從而削
之惟原序四篇則賅而存

序

五

之不敢忘所自也書成郡邑
士大夫詢謀僉同謂可上之
史館以供采擇之興守者
分中之一事矣惟是地兼
赤雄望緊既視地郡為經
守統轄兩廳兩州七縣各距

高百數十之百以四十里而遠存
聖天子洪庥所被時一四時賜民安
物阜則凡官斯土者咸宜
軫恤邊黎各懋乃勸以勸
余不逮庶俾靈治幸登上
理用光西北屏山備焉昔人

序

六

續漢志者班掾紀五方
不齊之俗昭人施因地制宜
之政故自秦蜀晉吳粵十
呂六省不厭其言之存也郡
隸晉省近越趙晉韓地瘠
其似盡其政宜浹茲趙地

主知

峻其任任侯其政宜檢括
綏撫馭之方宏將何道之
從乃可以上報
下慰民隱哉三復此篇蓋
不禁淳淳之於淳孝宣與我
共治之一言矣

序

七

誥授

乾隆四十一年歲次丙申冬月
朝議大夫知大同府事加四級
紀錄十次歙州吳輔宏撰

余於辛丑歲來守斯
郡閱志乘自順治壬
辰纂梓而後徑前守
吳輔宏于乾隆丙申
歲輯脩剞劂成編較
舊志自維詳審而觸

跋

礙字面及空格之虞猶
多失檢因稟請 名憲
崇允准釐復重刊爰
將吳守所輯郡志志
心更訂復事恭徵細
加刪削以期詞意昏

歸醇正行次多復闕
殘幸昭慎重而字畫
亦再回較讎言俾無訛
舛斯帙之集也按籍臨
池歷週經歲殆六競
加之志云工始於辛丑

跋

二

秋八月竣於子寅冬十
有一月書成聊誌其
畧于簡端文先謹識



大同府志目錄

卷首

原序

銜名

凡例

圖考

卷一

沿革

卷二

星野

大同府志

目錄

卷三

疆域

道路附

村堡附

卷四

山川

水利附注

卷五

形勝

卷六

古蹟

塚墓附

卷七

風土

物產附

卷八

巡幸

卷九

封爵

卷十

職官上

卷一十一

職官下

卷一十二

建置

大同府志

卷一十三

賦役

卷一十四

學校

書院附

義學附

卷一十五

祠祀

寺觀附

卷一十六

兵防

卷一十七

宦蹟上

卷一十八

官蹟下

卷一十九

選舉上

卷二十

選舉下

仕宦附

卷二十一

人物上

卷二十二

人物中

大同府志

目錄

三

卷二十三

人物下

孝義附

藝術附

游寓附

卷二十四

列女

卷二十五

祥異

卷二十六

藝文一

卷二十七

藝文二

卷二十八

藝文三

卷二十九

藝文四

卷三十

藝文五

卷三十一

藝文六

卷三十二

雜誌

大同府志

目錄

四

大同府志目錄終

重輯大同府志奉准原議

大同府吳 爲遵批議詳事乾隆三十八年閏二月二十九日蒙

鴈平道 案驗乾隆三十八年閏二月十二日准

布政司朱 按察司黃 會咨本司等會查得爲政

貴乎利民章程期於永久據大同府吳守等議條稟蒙

前憲批司會議本司等遵卽公同酌議據稟稱府署現貯雲中郡志一書係

國初順治九年壬辰前知府胡文燭纂輯閱今百有二

大同府志

卷之首 原議

十一年所載屬邑舊有朔州蔚州馬邑廣昌而陽高天鎮猶屬屯衛則其他應去而存應存而去者不知凡幾可否飭准重加編輯等語本司等查各屬志乘有關風化如有應行改革損益之處自宜重加編輯以備稽核該府雲中郡志旣於順治九年纂輯至今百有餘年未經更編所載屬邑今昔迥別其餘應去應留之處不一而足似應俯如所請准其重加編輯妥協辦理是否允協相應詳請

憲臺鑒核批示乾隆三十八年三月十四日蒙

署山西巡撫部院陝西巡撫覺羅巴 批允遵照在

案

大同府志

卷之首

原議

雲中郡志原序

周官置內外史外則採風輶軒所寄今之郡志古之列國史所係良亦鉅矣况夫肇造聿隆制度考文之典繫煌煌鄭重也

今上聰明英武文治翔洽海內外咸若戎子大同密邇右輔敢匪茹倡逆越明年己丑削平

制駐府治陽和余於七年庚寅夏六月由昌刺奉

命守茲甫釋鞅韜事日侍制府帷幄凡所諮阨塞名口士馬金穀之數多不獲原冊攷究每用是拊髀府乘亟欲得前代典籍刪潤之以成

大同府志

卷之首

原序

一

一王體裁此職守此夙志也柰灰燼之餘散帙淪軼西河氏昔訂晉譌今且安得三豕而辨之乎禮失求野久購得明守汪君承爵所纂大同府志首尾二三冊與郡之學博子衿輩斤斤叅稽通牒報可遂輯其事而纂脩焉自今伊始庶其可以備方策傳來禩矣然而纂固未易言也著作雙校之舉摺摺曰脩經始曰勅方

今五德乘旺正

龍興鼎建之初而雲變陡作規制又復一更是且爲脩乎爲勅乎第必盡其局而燃除之又顏訓之所

謂屨也班孟堅一代良史律歷世紀等篇何者不與子長符其間華離曲折因時致義之宜要皆誦法乎孔子孔子謂殷因夏周因殷其所損益可知是不獨論世已也則夫百二十國之寶書實式權輿今試就全志而上下之象緯纏度義和所不能變矣山川嶮易白阜所不能更矣忠孝節義耿耿天壤閒聖人復起不能易矣他如田賦之登耗徭役廢貯之軒輊類推而文質龔肆統不出所損益是瑟不調更絃可鼓績紆者紋錦異而經緯自定此古今脩纂之大旨也原志大目凡九曰方輿曰

大同府志

卷之首

原序

二

建置曰食貨曰秩官曰名宦曰武備曰人物曰外志曰藝文其各志之屬五十有奇一一武其款項惟是舊編卷數頗滋茲約至十四卷疑于繁簡之互異不知著書者連犴而言之夫連犴第於辭於義無害焉爾矧

鼎運方昌日升川至後來嗣緝寧必侈侈甲乙部已乎是編也謂余爲勑不敢當而第二云仍舊貫則夫奉

一王而定新裁者謂何司馬氏云斲雕爲朴存其體而已此則余之不敢辭

順治壬辰夏四月中議大夫知陽和府事今陞分
巡河東兼管鹽法水利兵備副使東郡胡文燁撰

大同府志

卷之首

原序

雲中郡志原序

爲

天子牧圉吏無事不奉若憲典而要於掌故明切子輿氏所謂當務之爲急杜元凱曰教所存與文所害刊而正之廼爲善誌則夫纂修史乘洵稽遠徵來之急切務也顧志一而規制迥殊罷志與州縣志不一邊郡志與腹郡志不一

昭代肇造之志與往代沿襲之志又不一所係掾觚者肆攷覈確芟注酌古準今續緝惇史永永泐不朽雲中天下之脊密邇右輔柱礎天西屹屹乎萬雉

大同府志

卷之首

原序

四

金湯也戊子陡罹逆變

宸怒赫濯明年已丑蕩平余移鎮駐陽和府治隨之越兩年辛卯郡大夫胡公進而言曰

國運聿新經制犁然矣本府甫經殘破之餘一切軍籍民版統不得倉曹氏一核名實纂修之不容已允惟臺牒主持之余爲之啟啟擊節謂夫郡乘攸關靖爾位而載采采斯其急務其首務焉昔先王懿文設險大要以天時地勢一筦其樞於人事纂修者本諸此而已今之時何時乎

大人虎變志正治歷明時之欬炳文治而正位凝命

草而鼎其際也雲峙西北古稱英雄用武地陳陳
武庫詎敢忽諸子大夫日討故實而申警之正不
必券廢貯於司農勘戰守於盟府分更引漏一展
帙而較若古名臣坐籌帷幄制勝疆場之外此物
此志去八寧第掌故已也甌脫弁中志聚伏波之米
羸縮登耗志繪蕭鄧之圖穀餽而豆區詳殿殿而
戈鎧弔志與方畧誓命等重纂修之攸關如是夫
抑聞漢制二千石縮銅虎符得專興發討擊則武
備文事實式併肩之是纂經緯臚列巨細詳明本
大義而識武功謂爲郡志也可卽軍志也可書成
而喜其急當務弁言以示傳信云

大同府志

卷之首

原序

五

欽命總督宣大山西等處軍務兼理糧餉兵部左侍郎兼
都察院右副都御史三韓佟養量撰

雲中郡志原序

古者各國紀域內山川景物習俗土宜以闡風化而貢王國卽今之郡志也第名史不名志迨越大史公至于班氏漢書廼名曰志其天文地理食貨藝文諸篇遂爲後世纂修之祖而規制一本史記則子長洵千古之伊凡也然論者猶曰史遷蒐採于紀載飛灰之餘風神獨運而疎宕處多嗚乎纂志詎易言哉而纂志於紀載飛灰之餘又豈易言哉雲中古九原地肇基三代扼蜚狐拔元岳攬句注管涔之勝屹然

大同府志

卷之首

原序

六

畿輔右翼試一覈故典而昭若指掌者歲辛卯余奉簡書西出巡宣雲雲在鼎革後特罹戊子之變兵燹之餘疆域稍殘官斯土者悉鷓鴣擇居余歛歛曰雲中古鉅鎮繫維西北要害重地城社幾墟整頓應急廼拜疏特請議復則夫荒蕪之疇逃亡之屋與嗷嗷哀鴻之慘業繪圖而達

紫宸矣爰檄該郡取府州縣志而覽之其亦涑水氏讀賦役之惓惓乎而胡守以灰燼殘缺甫事纂修報繼乃牘請志序曰纂修係郡守職掌責不敢辭噫是

徒知維郡守之喫繁而不知係採風者之急圖也
昔有周方盛以臯華遣使諏謀詢度蓋卽太史陳
詩而風謠載列于典冊不言志而志可知矣漢去
古未遠建元間以汲長孺爲河內謁者奏賑殘傷
百姓萬餘家嗣是而十道之分行直指之遍訪觀
風之八使何代不亟周爰貞觀有黜陟大使之名
稽志中之秩官也開元有繡節勸農之使攷志中
之田戶也洪忠節使遐陬所在以山川嶮易圖劉
忠宣欲悉天下戶口阨塞之志辭翰苑而請職方
豈有身親歷履而不於典籍一爲參究者郡志之

大同府志

卷之首 原序

七

關於採風顧不急乎胡守良苦心哉灰燼之餘大
煩搜撫若體余巡方至意而爲是亟亟焉觀其次
第明楷集散成帙潤舊爲新佐

鼎運而遵車書大有補于雲鎮使守土者鑒之捍圉
撫綏可勵官箴後之繡節使備考覈而藉手其以
抒入

告之忱匪淺矣因其請而復之用識簡端巡按直隸督
理宣大二鎮兼學政轄山西大同府所屬州縣直
隸延惠保安二州等處監察御史中州薛陳偉撰

雲中志書原序

三雲禹貢幽州之域以冀地廣而分疆夏商屬冀成周屬幽春秋而後或爲代郡或爲五原定襄郡或爲朔方或陞爲西京遷徙不常名號亦因歷朝而建其地甲于諸邊萬山環拱形勝已極天西于明洪武七年始改大同路爲大同府隸山西布政司置四州七縣增設城堡規制壯麗遠勝前朝迄今因之爰考其因草之大較堯時和叔來宅水有恒衛治自崇伯而神禹繼之成湯始立代子代其助于商乎秦因燕趙之舊置雲中郡則雲中端自

大同府志

卷之首

原序

八

秦始東西二京式廓宏于前代餘威震乎殊俗迨典午德衰李唐石晉以迄趙宋陳谷之敗無復能窺太原尺寸改雲州爲大同其立名則自遼始矣金元明三世相因而設府置帥有明屹然立爲重鎮云

國朝以順治五年逆賊姜瓖之亂次年移府治于陽和鎮城良由

聖天子在上威武奮揚故小醜叛而旋滅無能肆其荼毒也某督餉雲中適當姜逆兵燹之後城邑蕭然顧而興慨者久之乃二千石煥然胡公謀之督臺佟

公曰地方經逆變擾亂惟志書不可不存志書不存則山川形勢及土俗人物後人杳不知其端緒非所以廣輿圖表風尚也力爲購求得誌書一本芟其繁蕪纂其要畧彙成大觀滄涵佟公見而喜曰此誠不朽盛事也遂爲之序以弁其端

順治壬辰夏四月

欽差管理大同糧儲稽覈兵馬兼管屯種戶部浙江清吏司主事華陽劉國欽撰

大同府志

卷之首

原序

九

覺羅正紅旗官學教習候選教諭王飛藻

江蘇新陽人
拔貢

贊訂

教授管大同縣教諭事候選知縣郎克謙

山西壺關人
進士

採訪

大同府教授候選知縣劉金相

山西襄陵人
舉人

教諭借補懷仁縣訓導杜伯春

山西虞鄉人
副榜

教諭借補應州訓導候選知縣張廷綽

山西榆社人
舉人

原任陽高縣訓導王企岷

山西安邑人
歲貢

校對

大同府訓導李養本

山西介休人
廩貢

大同府志

卷之首

銜名

教諭借補大同縣訓導候選知縣邢纘祖

山西孟縣人
舉人

督刊

大同府經歷兼管銀億庫事錢吉士

浙江錢塘人
監生

大同府志

重修銜名

纂輯

大同府知府加二級紀錄二次吳輔宏

安徽歙縣人貢生

協理

原任豐鎮廳同知八格

裕

滿洲正黃旗人舉人

豐鎮廳同知三藏寶

知

蒙古正黃旗人筆帖式

原任糧捕廳通判興順

判

順

滿洲鑲藍旗人舉人

糧捕廳通判陳萬吉

判

河南商邱人監生

大同縣知縣吳麟

縣

吳

浙江山陰人貢生

大同府志

卷之首銜名

懷仁縣知縣五寧

縣

五

滿洲正藍旗人筆帖式

山陰縣知縣傅修

縣

傅

廣東海陽人舉人

應州知州蘇泰

州

蘇

江蘇江陽人貢生

渾源州知州嚴慶雲

州

嚴

陝西沔縣人進士

原任靈邱縣知縣任謙

縣

任

江蘇荆溪人進士

廣靈縣知縣廖位伯

縣

廖

廣西崇善人舉人

原任陽高縣知縣石文秀

縣

石

河南伊陽人進士

原任陽高縣知縣李廷儀

縣

李

直隸灤州人舉人

天鎮縣知縣錢文梓

縣

錢

江蘇太倉人舉人

商定

大同府志

重纂銜名

纂輯

大同府知府加二級紀錄五次文 光 滿洲正白旗人監生

協理

大同縣知縣傅修 廣東海陽人舉人

懷仁縣知縣祝霽楓 河南固始人拔貢

應州知州陸元鼎 江蘇吳縣人監生

山陰縣知縣王諤 浙江湖州人舉人

靈邱縣知縣張有蘊 貴州人舉人

大同府志 卷之首 銜名

廣靈縣知縣蘇雲昇 山東寧陽人舉人

陽高縣知縣倪霖 浙江杭州人進士

署天鎮縣事試用知縣沈琦 雲南人舉人

例言十六則

雲中郡者唐以前之舊名自遼改大同府迄今因之紀載之書義取徵信大同府之不得復稱雲中郡猶知府知縣之不得復稱太守令長也舊志冠以雲中郡泥古失實今更曰大同府志

周禮大司徒掌天下土地之圖知九州之地域廣輪之數志之有圖全書之綱領也舊列三圖於疆域卷內失之簡略今增廣之府境山川全圖一府屬九州縣一廳各爲圖一府城圖一府署圖一鎮署圖一府學圖一凡得十五圖另列卷首至星分圖仍列星野門以便觀覽

大同府志

例言

通鑑綱目於南北朝之際各繫正統以著統紀非郡縣志所得而僭也志者史家地理志之遺祇當就地言地故五代史職方考敘二百八十七州有直書曰有者有分註閩蜀岐平吳楚等僞國者若執正統之例勢必以元魏之代都而係之本無其地之宋齊梁陳以遼金之西京而係之得而旋失之趙宋名實混淆莫此爲甚今敘歷代沿革前五代止列隋隋以前無此地也後五代止列唐者梁未併其地晉初不入版籍也他卷先敘宋而沿革獨先遼者宋之得地在遼後也

府屬十而桑乾河經者五一採掠山也而大同陽高共之

龍首也而大同應渾源共之六稜也而廣靈天鎮共之若以州縣爲斷文必至重見叠出四分五裂矣今志山川以山川爲主貫串州縣務使陰陽向背脉絡原委瞭如掌紋亦柔鄴氏之遺意也

八景名色濫觴於西湖瀟湘志率多博會大同山川雄壯古稱天險形勝之地也舊志形勝之外別立景物一門是縱覽龍門積石瞿塘灑瀨之大觀而猶羨一邱一壑之勝斯亦陋矣今槩爲削去仍於山川藝文卷內附見一二以存其舊

大同古代地設官分職由來已久趙武靈時代相趙固孝

大同府志

例言

二

成時代郡守李伯已見史記漢魏而下正史歷歷可考而碑碣鐘鼎所見如金西京路按察副使孔固遼天成縣令劉海川牛珙劉孟達之類亦皆不盡磨滅不當斷自前明也文職首知府者府志體也武職首總兵者鎮府城也明宣大總督駐陽和大同巡撫駐府城故得脩書元之河東山西道宣慰使徙治大同亦書唐河東節度使不治大同則不書也北周之朔州領雲中隋朔州馬邑郡領雲內代州鴈門郡領靈邱故朔代總管刺史馬邑鴈門太守皆得書而唐之雲中不屬朔靈邱別屬蔚故書雲蔚不書朔代也

宦蹟之與名宦相近而實不同名宦有專祠千百年來俎豆者寡宦蹟以蹟傳苟有一善可紀卽學博丞尉不可泯沒漢鴈門太守鄧都見酷吏傳然公廉行法威震北邊北魏元繼任青州刺史時爲御史所彈而其官恒朔則甚有功若此之類皆可節取若按之史傳及舊志政蹟絕無可考雖列祀名宦一仍其舊而志宦蹟則闕焉卽如明宣大總督一官並載今宣化大同志其蹟在大同者大同志之蹟在宣府非大同所得而志也

史家列傳之外別標忠義孝友循吏文苑名目志人物者往往因之不知史之與志體例各別史傳善惡並著以示

大同府志

例言

三

勸戒志則隱惡而揚善史家論爵位故爵位不尊者不得
不列於忠義孝友循吏文苑也志則因地紀人忠義孝友
循吏文苑皆此邦人物不必復分名目也其或一節之孝
一事之義里巷稱說間有足錄別立孝義一條庶幾善善
欲長之意

雲代科目自漢以逮宋遼可考者寥寥數人洎金天會明
昌之間號稱盛焉舊志明以前槩置不錄踈矣且載進士
舉人明經而不及武科尤失文武並重之意今就所見增
入其由恩蔭行伍捐貲出身者並附選舉之末別爲仕宦
云

列女首重節烈凡已旌及未旌而合例者苟有見聞悉宜纂入而於舊志所載亦不敢稍有去取以期善無或遺其以賢孝稱者聞登一二以風焉

佛老列志昔人所譏地志多載仙釋沿魏收之陋也後漢書方術傳載王喬薊子訓費長房上成公諸人晉書藝術傳載佛圖澄僧涉曇霍鳩摩羅什諸人以術數槩之亦足傳矣今仿其例曰技術與游寓並附人物之後

舊志逆變一條詳載順治戊子姜瓖之變夫瓖之於大同誠不得不書然死事定難諸臣已見宦蹟志而義士貞女之風烈復散見人物列女卷中則此條直刪之可也

大同府志

例言

四

藝文非詩文選也其有關政治風俗者尙已他若山川古蹟草木昆蟲之類或學士大夫登高而賦或三雲人士操其土風苟無愧雅馴廣與收錄邊地少文聊爲風雅一助云爾

府屬地方有昔有而今無者有昔無而今有者應增應損各條一視沿革爲準以古蹟言雖以明妃塚李陵臺之在人耳目而不得不刪邊外無志原有附見之例但未設朔平以前可附於大同今則當附於朔平也以人物言雖以魏敏果之經術尹九宮之博雅而有所不能收蓋尹魏時之大同皆有蔚而今則無蔚也

志之有辨證所以刊訛糾謬辨以析之證以實之故志家重焉然與其另列一門不若隨條附見易於循覽如段文楚之非段文昌唐鑑之非朱唐鑑劉仲洙之非劉仲誠宋之平城縣不得爲兩漢之平城元山陰縣尹李如忠不得爲大同之山陰若此之類直爲改削其事涉疑似無可證實者仍照原文纂輯而附辨于後所謂疑以傳疑也

舊志以八卦分八部爲綱九爲目六十一今不以綱統目其可併者併之如田賦戶口稅課之合而爲賦役城池衙署倉庫驛站舖遞橋梁坊表之合而爲建置是也可附者附之如物產之附風土書院義學之附學校寺觀之附祠


大同府志

例言


五

祀皆是也凡爲門二十有二離爲三十二卷


武定府城圖



學宮圖



總鎮署圖



馬堂

旗對廳

旗對廳

內署

風月

天光

大廳

論

坊

都督府

鎮署

書


書

雜院

花園

內

府治圖



府署

府署

府署

西書房

內署

花廳

二堂

大堂

講堂

石庫

儀門

三賢閣

三賢堂

府門

內署

外署

大堂

經歷

大府同志
府境山川全圖



大同府志

大同縣山川圖



二



大同府志


懷仁縣山川圖



大同府志

山陰縣山川圖

四



大同府志

渾源州山川圖

六






大同府志


靈邱縣山川圖

七







大同府志
廣靈縣山川圖



大同府志

陽高縣山川圖

九



大同府志

豐鎮廳山川圖



大同府志

